

weghe **D**u wordeste mytten boesen
 gheuekent **D**u hangheste inde we-
 ghe alheel ouerghestort mytte bloe-
 de **D**u heueste ghewraicht salicheit
 in dat middel der eerden **D**u wtret-
 keste dijne armen om guedertwēlich
^{toe} ontfanghē alle die ghene die totty
 coemen **D**u opdoeste myt vryh^t die
 milde handen dijner guedertwēh^t
 ōme ghenade toe gheuen alle die
 ghene **D**y die dy bidn **D**u neygheste
 dijn houet ōme toe bieden een cusse
 der weder versoeninghe en des ewi-
 ghen vzedes en bewisestu alle men-
 schen gratie der verloesinghe ende
 verglyfnisse der sonden inden dat
 dijn hillighe herte gheopent wort
 myt enen spere **D** onspreekelike gue-
 dertwēh^t van welkers barmh-
 ticheit al eertrijke vul is **D** ouerste
 mildicheit **D** onghehoerde gueth^t
 wie mach mishopen in soe groter